

新甯縣志

270153
39
部



70270143
39
2011

新甯縣志

新甯縣志
卷首

光緒十九年癸巳秋
月稔竣於金城書院

敘



山川雄秀之氣磅礴鬱積數千年而一發其英惟豪傑不世出之士始能厚鍾其氣以任天下艱鉅新甯在萬山之中風俗安敦氣質樸茂自粵逆稱亂而江忠烈劉武慎及今兩江總督劉峴帥諸公投袂而起以異軍名天下一時豪俊雲集霧合爭以功名自奮卒支

新甯縣志

卷首

敘

一

東南危局節鉞炤耀大江南北蓋自扶彝建國而後武功勳爵之盛未有若今日者也歲戊子余得補官是邑竊幸於寰宇廓清之日得臨勝地一訪其人情風土道里山川旣下車時則峴莊制軍退息林下集都人士重輯縣志越數歲始克成書峴帥厲言屬爲之敘余不敏獲預茲役焉敢以不文辭竊惟縣之

名否視夫人人之顯晦視夫志新甯舊有志
歲久失脩或脩而仍多散佚邇年人文益盛
簪紱日興不及今續脩志乘匪特懿行碩德
湮沒不彰卽軍興以來義師特起折衝禦侮
功業特隆通志不能備載再閱年歲時移事
遷求叩往蹟不可得已今之脩志固所以闡
前賢之媿作忠義之氣者也夫風教流行雖
由牧令之善宣 朝廷德意然潛移默化
樹之表型俾鄉之人以孝弟忠信相悅樂詩
書禮樂相切劘萃爲大器以備 國家梁棟
之用者何莫非鄉先達有以成之後之君子
披誦是篇當亦聞風興起矣光緒十有八年
十二月知新甯縣事汾陽張葆連謹敘

例言

方志紀載風土體例多不相沿要其指歸圖表志傳四者盡之矣
新甯志以前無攷道光三年邑令張德尊補輯前任安舒所修縣
志三十二卷既多蕪雜亦頗遺漏文獻不足述者蓋難言之茲採
其可錄者分別門類爲二十六卷參攷道光末寶慶府志增益舊
縣志所無其咸豐以後人事之迭興文物之燦著皆以類從編次
於諸門之內闕文漏義竊弗敢辭虛誕浮辭亦非所尙已

舊志輿圖卷內分繪亭臺勝景類於模山範水描頭畫角之所爲
爲方家所非笑同治中重修湖南通志邑紳於是時議設志局延
請新化鄒子翼繪圖未竟其緒光緒壬辰復請邑人朱子端親歷
新甯縣志 卷首 例言 一
各鄉周覽形勝重加採訪爲總圖二縣城圖一疆里圖五山川圖
五并於山川疆里舊志謬誤相沿者校正補輯庶山之脈絡水之
源委疆里之廣袤瞭如指掌矣

他縣多歷代相承或始合而繼分或前創而後廢古今建置稱謂
不同而已邑之立治最久而其後時析時并南宋始曰新甯以其
緣起由知武岡軍趙善穀請復臨岡於是嘉慶末續修之書安舒
蔣舒惠遂指爲古蒔竹地以西漢藩封之域混入苗壤其荒渺無
稽實甚今藝文內尙存舒原敘者所以明其失也詳見沿革表

古者方志重在圖經以開方法計之可一覽而知其廣陬袤長之
數茲書測繪從略則疆里不得不詳而四鄉犬牙相入之區某所

至某界若干里稽之府志與舊縣志所載不同證之近人採訪又與府縣志歧出處皆各不同爲絀爲贏無從懸揣以知亥步截長補短是在確有成算者

邑在荆南入版圖最先而歷代職官至有明始稱大備其中所注籍貫與地一統志內多無其名亥豕沿譌不可勝指其明且易見者於江南州縣或冒以直隸二字蓋故書本曰南直隸某州某縣人後之秉筆者不少加察概以本朝畿甸例之遂至謬以千里甚於郢書燕說今爲參攷諸書釐定其誤然必曰更無一誤則未敢信爲實然若武職一類近二百年間亦且不實不完徧稽往籍皆無左證甚矣紀錄之難也

新甯縣志

卷首

列言

二

他志多列選舉爲表茲以人物統之而次薦舉武功忠義之類蓋自科目而外進由薦剡世不乏人邑人較著於前明至咸同年間而才傑崛起海內言勳伐者多指而目之自有夫彝以來未有盛於此時者也惟軍興後各行省特開捐納一門以充兵饟是編薦舉類內亦有入貲議敘若干人原稿聲敘未詳於諸紳出身不能悉辨要其地夙少巨富能納粟公家者無幾有之亦微員末秩誥軸虛銜是以混同登入不復立捐納名目

諸文武職員內有由選舉晉秩者則於名下詳注官銜後不復收以省重出亦有其名複見如江忠烈劉武慎先入選舉而薦舉內歷敘其清階忠烈誠恪數人又首列於忠義以其光昭一時聲

後世者大自有在人倫冠冕不可以或遺也諸將積功至記名提鎮亦多効命疆場詳其品秩於忠義類中而武功略未之及人至忠義足稱其超越功名之士又不啻逕庭矣是編所採之稿皆十年以前死事諸人網羅殆盡其保舉捐納兩途近又不無繼起拾遺輯略統俟後賢

國家崇德報功於有功之尤者特以封典褒其三代邑人遭逢盛會皆思榮及泉壤於是援例呈請誥贈極多是編所收殆不過十之六七尤歉然者難裔蔭卹應有多人雖因履歷無憑疆臣不及陳請然以所聞承襲人員實不止如篇中所錄原稿於此等關係要緊之處概弗按求宜簡者錄宜詳者略前人譏爲方志通弊於是編奚異焉其敘列諸人以品秩尊卑爲次故舊志所登不免移置於後後來居上體例蓋不相妨薦舉武功先實任而後散階義皆昉此

國史於人物殺列爲傳方志類然其間倫類不齊而又少事實可稱則括而該之以表表所不能殫述乃雜以傳繫之其或入於表或入於傳祇就其生平言行文字多寡爲區別初非有意軒輊爲也賢達文學之稱頗難傳會孝友義行則鄉里間所在多有士君子篤於其親惠於其黨非以徼名非以求福豈在見之邑乘爲榮閭室眞修知不以獨遺見誚

古人傳列女不專以節孝也有賢母焉有淑媛焉皆閨壺所奉爲

內範者也邑之節婦可見者數百人而賢淑一流獨無所指觀之古史此爲闕如其節行何先亦皆無縷敘明文無可據以立傳彙而書之於表覽者可以知其志焉徵其事焉雖近來半屬未旌而辛苦艱貞亦不以生存抑置已

邑中山水分見於疆里志中然言山必有脈絡言水必有源委僅曰某山某水在縣東西某地猶不足以見襟帶之流形也舊稱金紫峯爲中國南幹正脈故其氣勢雄厚龐大爲郡屬諸山之冠特其言與堪輿家相近地志皆略而弗詳酈道元注水經最稱精博而以瀆水爲發源都梁今案夫彝水源較遠瀆水濫觴當以出少延山者爲正舊縣志徑指夫彝水爲瀆確有所見然前人初無此

新甯縣志

卷首

例言

四

說筆之於書是謂無稽故仍以水經注爲斷

賦役於國家爲大政而在一州一邑則微細已甚新甯舊志所載額征雜稅之數多有不相符合且條目瑣碎難一目了然然舊制新章無以備知損益茲以類相從都爲一卷正供雜項大略具見於此其不符之數則俟夫能者更之邑中故設社倉亂後不能規復於末仍錄其章程二十一則有心者相與仿而行之亦備預不虞之至計也

自漢人推廣溝洫之義爭興水利而後世之言富國足民者胥以是爲先圖西北地勢高曠易成赤旱河渠之利民間不得自均有廢有興視吏事之惰勤爲率東南澤國力半而功倍焉邑於萬山

中夫水經流眾支派左右分注農民引資灌溉無俟官作其利甚溥分段志其陂塘圳壩旣杜爭端竝垂久遠云

風俗之盛衰視乎禮教之隆替禮不可家至日見觀於祭祀而見之州縣典禮惟春秋有事文廟爲大是編卷內連綴成文而依大清會典擡寫先聖先賢查照近年新增更定兩廡坐次歷代尊崇從祀摘其大要著於篇舊志備載祭儀樂章則有司掌之不待臨事繙閱此書故不照錄錄其禮樂器埶於卷末體具而用可知矣諸祠廟列入祀典者悉紀名目其他私祀改編營造志中

學政全書具詳功令今使者按行各郡歲科兩試視文藝優劣爲去取於本原之地弗問也卽三年大比亦然而學校衰矣校官奉

新甯縣志

卷首

例言

五

行故事又并月課具文而廢之無學田者諸生初隸籍時每以卷費出入師弟子動色相持有乖受業授經以敬爲主之道邑人廣置義田按月由殖學堂餽脩兩學而後講德之所不變爲爭利之場舊創官田縣志載明地段及其租入嗣所增者歸併書院公項自有首領經紀茲不續登

縣之西北接連溪峒歷來寇患皆苗獠爲之代遠年湮失其記錄茲所筆述始自南宋初年殘明及國初三藩之變流賊潰兵不絕於道扶陽一隅旣患至是而極承平旣久粵賊滔天邑當閒道入楚之衝兩次被其慘毒楚軍保衛桑梓厥功懋焉所見所聞具其始末前簡而後該固信以傳信之例也埶兵防節略於後綢繆

未雨其可忽諸

壇廟城垣官廨水利津梁之類國之工部有司掌之方志具體而微邦人士所經營不可以沒其善也水利所關較大別自爲志學宮祠廟多見典禮更立營造一門名有重出義無複見土木之役前後犂然其中寺觀一百五十餘皆飯僧佞佛之所於風俗人心不能無累特故老布金所在以是爲給孤獨園故竝收之

漢書創志五行爲後世史臣之祖然或以陰陽災異埒會其說有識者譏焉沈約宋書因而作符瑞志又夸吳州縣彈丸之地五行之運無足推詳顧史錄所稱守牧諸人有以嘉禾瑞芝驗其德感者有以三年赤旱溯其獄冤者使觀者深思其故懔然懷恐懼修

新甯縣志

卷首

例言

六

省之心卽在齊民亦因交警則指事在此而取義在彼不必敘五行也志其災祥而天人之理必可見其相應也

天地之盛衰由乎土俗之厚薄其俗厚未有不卽熾昌其俗薄未有不形凋敝西漢民風之盛孝弟力田而已新甯夙安渾樸擯斥浮華雖近時顯宦迭興而閭里古風猶在爰仿荆楚歲時岳陽風土諸記紀其舊俗輶軒有採此爲唐魏之遺峒獠之於各鄉多有異同疆里表曾敘其略土風所習舊志無稱此次採訪稿中亦未之及闕文軼義能已拘虛

史例志及藝文分經史子集存其篇目所以網羅載籍摭拾遺編說者謂近世方志專以詩文當之陋矣夫通都大邑古今才學之

士諸所纂述流傳天下後世不廢江河者彙其姓氏書目於一州一邑中洵足爲山川生色若乃標榜聲華或有其目而無其辭或有其辭而無其律而輒云某撰某文集某撰某詩集其姓氏哀然成帙而實皆名不出於里閭是陋而又陋者矣則不若錄其篇章猶足觀歷來文物也是編幅隘文辭之美有所不可勝收碑記諸製已散見營造志中用擇其較有關係之言分爲三卷別錄古今體詩爲一卷殿諸志之後其亦徵文攷獻之一助與

史記分列循良酷吏爲傳無褒貶之辭而其義自見牧令愛民實政國家制治清濁之源也部民之於長官稱美而不稱惡又上下之分也爲民父母而實能存心利物遺愛在人人之所以尸祝之

新甯縣志

卷首

例言

七

者宜何如邑志於名宦人物諸傳舊簡其文三異十奇古今人原不相襲卽良有司平反讞牘取其一二可泣可歌之事書之於冊必無慮數百千言也而草創不詳無可爲之潤色仍以先後蟬聯錄其政蹟雖止存梗概要皆無虛譽云

邑之人才盛於前明其平生事蹟舊縣志亦不能詳也至於文宗之世而賢達蔚起史館立傳者數人其當官而有德於民赴難而有功於國百里之內車載斗量往時得一而志爲桑梓之榮者今乃甄錄不加敘論豈風會日開餘子固碌碌不足數與抑諸人鄰里鄉黨閒無有能筆而述之與茲就所見與聞續敘廿餘人於舊編之後以文體論之此特其人事略耳非傳也故其事多者

其文至數千言亦如未修之史所謂立傳履歷而已矣前之林青陽後之江獻鵬於舊稿中敘事特詳則道光府志所有縣志所無也列女傳不立專門者爲數少推而廣之非皆後君子之責與世稱高似孫刻錄于欽齊乘康海武功志韓邦靖朝邑志爲方志之最以其體例謹嚴攷據精核簡而能該也顧以行文言則冗長不如簡括以紀事言則隱約不若詳明必屏棄一切公共之言以就吾之文範使其地方文獻多至湮沒後之人雖欲陳土風訪耆舊而稽諸前志掌故先淪未始非好爲辭簡轉相摹仿之流弊也是編成於倉卒病在繇蕪惟舊錄所存不敢率行割棄抱殘守缺以備事徵蒐討者更有加焉庶免挂一漏萬云爾

新甯縣志

卷首

例言

八

新甯縣志目錄

卷首

敘

例言

星度

卷第一

輿圖

形勝志

卷第二

沿革表

新甯縣志

卷首

目錄

卷第三

疆里表

卷第四

職官表

卷第五

人物表

選舉
薦舉

制科
援納

卷第六

人物表

武功

卷第七

人物表

封贈
蔭襲

卷第八

人物表

賢達者壽

文學方技

孝友流寓

行誼仙釋

卷第九

列女表

節孝貞烈

節烈

卷第十

列女表

節婦壽婦

卷第十一

山水志

卷第十二

賦役志

新甯縣志

卷首

目錄

卷第十三

水利志

卷第十四

典禮志

卷第十五

學校志

卷第十六

兵事志

卷第十七

營造志

卷第十八

祥異志

卷第十九

風俗志

卷第二十

物產志

卷第二十一

藝文志 敘跋

卷第二十二

藝文志 記

新甯縣志

卷首

目錄

三

卷第二十三

碑文 銘誌

議說 壽文

藝文志

卷第二十四

藝文志 詩

卷第二十五

名宦傳

卷第二十六

人物傳

列女傳

新甯縣志纂輯銜名 同治庚午及光緒癸巳歲

鑒定

欽加三品銜 特授湖南寶慶府知府加十級紀錄十次 莊子楨

主修

賜進士出身 特授湖南寶慶府新甯縣知縣加五級紀錄五次 張葆連

鑒修

特授湖南寶慶府新甯縣儒學教諭加三級 陶銘鼎

特授湖南寶慶府新甯縣儒學訓導加三級 秦鍾彥

督刊

特授湖南寶慶府新甯縣典史加三級紀錄二次 萬立鼎

新甯縣志 卷首 纂輯銜名

纂修

兵部尚書兼都察院右都御史雲貴總督齊普圖巴圖魯 劉長佑

欽差南洋大臣部尚書兼都察院右都御史頭品頂戴兩江總督兼管兩淮鹽政碩勇巴圖魯 劉坤一

候選主簿新化附生 歐陽備

分纂

郡貢生 候選訓導 王來祐

欽加五品銜儘先選教諭邑廩生 鄧寅衷

優 廩生 李敦化

邑 廩生 候選訓導 劉輔廷

邑 廩生 徐晉明



分輯

邑 增 生 候 選 訓 導 李 緝 熙

邑 廩 生 候 選 訓 導 李 秀 絳

廣 西 候 補 同 知 邑 庠 生 蔣 賢 澍

原 任 桂 陽 州 訓 導 卽 選 知 縣 李 道 樹

繪圖

歲 貢 生 候 選 訓 導 朱 昌 詳

督修

欽 加 按 察 使 銜 賞 戴 花 翎 卽 選 道 劉 培 一

中 書 科 中 書 加 員 外 郎 銜 邑 廩 生 劉 長 佐

新甯縣志 卷首 纂輯銜名 二

欽 加 按 察 使 銜 賞 換 花 翎 分 省 補 用 道 勃 勇 巴 圖 魯 江 忠 淑

欽 加 鹽 運 使 銜 花 翎 分 省 補 用 道 法 福 凌 阿 巴 圖 魯 鄧 善 實

欽 加 布 政 使 銜 賞 戴 花 翎 福 建 儲 糧 道 署 按 察 使 司 裴 凌 阿 巴 圖 魯 陳 鳴 志

大 常 寺 博 士 銜 附 貢 生 鄧 新 橋

協修

丁 巳 科 補 行 壬 子 乙 卯 科 舉 人 候 選 知 縣 鄧 善 源

欽 加 布 政 使 銜 賞 戴 花 翎 記 名 題 奏 道 前 署 貴 州 糧 儲 兵 備 道 喀 勒 崇 依 巴 圖 魯 鄧 善 燮

欽 加 道 銜 賞 戴 花 翎 候 選 知 府 江 孝 椿

欽 加 布 政 使 銜 賞 戴 花 翎 雲 南 補 用 道 前 任 開 化 府 知 府 西 林 阿 巴 圖 魯 鄧 在 鏞

二 品 蔭 生 補 授 廣 東 佛 崗 同 知 調 署 龍 川 縣 知 縣 劉 思 謙